

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**Prijedlog**

**ODLUKA**

**O PRIHVATANJU DODATNOG ZADUŽENJA FEDERACIJE BOSNE I  
HERCEGOVINE PO IV STAND BY ARANŽMANU SA MEĐUNARODNIM  
MONETARNIM FONDOM**

**Sarajevo, juni 2014. godine**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Parlament Federacije Bosne i Hercegovine na sjednici Predstavničkog doma održanoj \_\_\_\_\_ godine i na sjednici Doma naroda Parlamenta Federacije Bosne i Hercegovine održanoj \_\_\_\_\_ godine d o n o s i

## **ODLUKU**

### **O PRIHVATANJU DODATNOG ZADUŽENJA FEDERACIJE BOSNE I HERCEGOVINE PO IV STAND BY ARANŽMANU SA MEĐUNARODNIM MONETARNIM FONDOM**

#### **I.**

Prihvata se dodatno zaduženje Federacije Bosne i Hercegovine (u daljem tekstu: Federacija) po IV Stand by aranžmanu (u daljem tekstu: SBA) sa Međunarodnim monetarnim fondom (International Monetary fund) (u daljem tekstu: MMF) u iznosu do SDR 41.429.500,00 (cca. KM 92.029.544), što iznosi 49% od ukupno odobrenih dodatnih sredstava za Bosnu i Hercegovinu u iznosu od SDR 84.550.000,00 (cca. KM 187.815.396).

#### **II.**

Dodatna sredstva kredita koristit će se za podršku budžetu Federacije u cilju ublažavanja posljedica prirodne katastrofe i pokrivanja značajnog gubitka prihoda u Budžetu Federacije, te unapređenja srednjoročne fiskalne održivosti, očuvanja kontinuiteta aranžmana valutnog odbora, uz istovremeno usvajanje politika za rješavanje fiskalnog debalansa, jačanja finansijskog sektora i provođenje dogovorenih fiskalnih reformi.

#### **III.**

Dodatna kreditna sredstva iz tačke I. ove Odluke odobravaju se pod istim uslovima kao i SBA :

- rok otplate: pet godina;
- grace period: tri godine, počev od dana doznačavanja svake tranše;
- svaka tranša se otplaćuje u 8 jednakih kvartalnih rata nakon isteka grace perioda;
- kamatna stopa: promjenjiva, koju određuje MMF za SDR (trenutno 1,09% godišnje);

#### **IV.**

Dodatna sredstva kredita će se doznačiti Budžetu Federacije u okviru sedme i osme tranše nakon zaključenja šestog i sedmog pregleda provedbe mjera SBA.

## **V.**

Za realizaciju ove Odluke zadužuje se Federalno ministarstvo finansija-  
Federalno ministarstvo financija.

## **VI.**

Ova odluka stupa na snagu narednog dana od dana objavljivanja u „Službenim  
novinama Federacije BiH“.

## O B R A Z L O Ž E N J E

### Pravni osnov

Pravni osnov za donošenje ove odluke sadržan je u članu 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), koji uređuje proceduru stvaranja vanjskog zaduženja Federacije Bosne i Hercegovine

### Razlozi za donošenje

U nastojanju ublažavanja negativnih efekata i sporog ekonomskog oporavka koji je uslijedio nakon globalne finansijske krize, rizika održivosti vanjskog i unutarnjeg duga u narednim godinama, kao i očuvanja kontinuiteta do sada održavane makroekonomske stabilnosti, Vlada Federacije Bosne i Hercegovine je zajedno sa predstavnicima Bosne i Hercegovine i Vlade Republike Srpske, pristupila pregovorima sa Međunarodnim Monetarnim fondom (MMF), u cilju sklapanja IV Stand-by aranžmana za Bosnu i Hercegovinu. Pregovori su dali pozitivne rezultate i MMF je izrazio spremnost da Bosni i Hercegovini odobri iznos do SDR 338.200.000 (specijalnih prava vučenja) (cca. 801.625.314), od čega se na Federaciju BiH odnosi 225.466.667 (cca. 534.416.876), što iznosi 2/3 od ukupno odobrenih sredstava. Dopunskim pismom namjere od 13.06.2014. godine Vlasti u Bosni i Hercegovini zatražili su od MMF-a dodatna sredstva u iznosu od 84.550.000,00 SDR, kako bi se zadovoljile hitne potrebe platnog bilansa nastale usljed katastrofe izazvane poplavama i tako omogućilo povlačenje sedme i osme tranše u ukupnom iznosu od 169.100.000 SDR. Dodatna sredstva u iznosu od 84.550.000 SDR bit će raspodjeljena tako što će Federaciji BiH i Republici Srpskoj pripasti po 49% i Brčko Distriktu 2% od iznosa sredstava.

### Obrazloženje pojedinih tačaka

**Tačkom I.** – prihvata se dodatno zaduženje Federacije po osnovu IV Stand by aranžmana sa Međunarodnim monetarnim fondom.

**Tačkom II.** – utvrđuje se namjena utroška dodatnih kreditnih sredstava, odnosno svrha zaduženja.

**Tačkom III.** – utvrđuju se finansijski uslovi pod kojima se odobravaju dodatna kreditna sredstva od MMF-a.

**Tačkom IV.** – utvrđuje se način na koji će se dodatna sredstva doznačiti budžetu Federacije.

**Tačkom V.** – se za realizaciju ove Odluke zadužuje Federalno ministarstvo finansija/financija.

**Tačkom VI.** – propisuje se stupanje na snagu ove odluke.